

Արչակունի, Սասանեան, Բիւղանդական կամ Արարական իշխանակալ բռնաւորներէց¹:

Կիսկիմի սահմաններն են. արեւմուտքից՝ Սպերի հովիտը, հարաւից՝ Թորգում եւ Օլթի գաւառները, արեւմուտքից՝ Պալխար գաւառը եւ հիւսիսից՝ Համչէնը կամ հին աշխարհի Պաղլէքը: Կիսկիմի եւ Թորգում-Օլթի գաւառների ջրբաժան գիծը կազմում են Պախամին, Եկեղեաց (Աղաջ-Քիլիսէ), Մեղրբեր, Հարկեւոր եւ Աշմուչէնի լեռները հիւսիսից Պարխար լըն: Կիցկիմի գաւառում ձորոխն են թափւում հետեւեալ առները. հիւսիսից՝ Պալխար լընից դէպի հարաւ են իջնում, ձախից խառնւում ձորոխին՝ Խոտորջուր (Սոտոջուր) իր եօթը թաղերով, առուներով՝ — Արեգի, Գիսակ, Գոգանց թաղ, Կրման, Սունենց, Ճիճապաղ, Միջին-թաղ, Խանթաճոր, Կուդրաշէն, Մոխրկուտ Վ. եւ Ս., Գեղուտ, Նիխախ², Կամրիկ, Ծեւկունց, Կազմխուտ, Նիխախ-բերդ, Գարմիջ կիրն,

¹ Խորենացի, Փարպեցի, Ասողկ, Գրասխանակերացի եւ ուրիշները:

² Նիխախ մի քանի հաս կան Կիսկիմի գաւառում, նոյնն էլ կրկնում է Սպերի եւ Թորգումի շրջանում: Յայտնի է նոյնպէս Թորգումի խախ կամ խաղ. խախուգեղերը, հռչակուոր տաճարը իր մեծութեամբ եւ ճարտարակերպութեամբ: Ընդհանրապէս ժողովրդի արտասանութեան մէջ խաղ է եւ շատ հաւանական է, որ խաղի աստուածութեան անունի շարունակութիւնն է, որ մնացել է ժողովրդի բերանում, նոյն իսկ խաղուդ էլ են անուանում եւ Southampton տպուած քարտէզի վրայ խախը «խախուդն է նշանակուած»: